



SEKTOR ZA MATERIJALNE POSLOVE I PODRŠKU

Broj: 05-01-11-69/23

Dana: 21.11.2023. godine

Na osnovu člana 10a. Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) i člana 24. stav 2. tačka e) Zakona o unutrašnjim poslovima Unsko-sanskog kantona („Službeni glasnik USK-a“, broj:13/16 i 16/17) Ministar Ministarstva unutrašnjih poslova Unsko-sanskog kantona d o n o s i

ODLUKU

o odabiru najpovoljnijeg ponuđača javne nabavke – Zakup poslovnog/ kancelarijskog prostora, koji je izuzet od primjene odredbi Zakona o javnim nabavkama i dodjeli ugovora izabranom ponuđaču

Član 1.

(Predmet nabavke)

- (1) Odobrava se zakup poslovnog/kancelarijskog prostora, koje je u vlasništvu Privredne komore USK Bihać na adresi: Ulica 501. Slavne brigade broj 11. (zgrada Oslobođenja) za potrebe Ministarstva unutrašnjih poslova Unsko-sanskog kantona u ukupnoj površini od 216,00 m² za period od 01.12.2023. godine do 30.11.2025. godine.
- (2) Postupak javne nabavke iz stava (1) ovog člana je u skladu sa članom 10a. Zakona o javnim nabavkama Bosne i Hercegovine izuzet od primjene odredbi Zakona, jer je riječ o zakupu nepokretne imovine.

Član 2.

(Cijena zakupa)

- (1) Utvrđuje se cijena zakupa u iznosu od 9,00 KM/m²+PDV na mjesečnoj osnovi za poslovni/kancelarijski prostor u vlasništvu Privredne komore USK Bihać, ukupne površine 216,00 m², za period od 01.12.2023. godine do 30.11.2025. godine.
- (2) Pored poslovnog prostora površine 216 m² (dva polukata od 108 m²), koji se sastoji od 10 (deset) kancelarija (raspoređenih na dva polukata, tako da svaki od njih može funkcionirati kao samostalna funkcionalna cjelina), kafe kuhinje, sanitarnog čvora i ulaznih hodnika na svakom polukatu posebno, rezervirana su i 3 (tri) parking mjesta pred zgradom. Na trećem polukatu se nalazi sala za sastanke kapaciteta 30-40 mjesta. Također su razvedene telefonske instalacije, na svakom polukatu je urađeno centralno grijanje sa električnim kotlom. Prostor je opremljen kancelarijskim namještajem i odmah je useljiv.
- (3) Sredstva za ovu nabavku su osigurana u Budžetu Unsko-sanskog kantona, potrošačka jedinica Ministarstvo unutrašnjih poslova Unsko-sanskog kantona, na poziciji 613600.

Član 3.
(Izabrani ponuđač)

Ugovor za zakup poslovnih prostorija dodijelit će se izabranom ponuđaču - Privrednoj komori USK Bihać.

Član 4.
(Stupanje na snagu i objava)

Ova Odluka stupa na snagu danom donošenja i objavit će se na web stranici Ugovornog organa www.mupusk.gov.ba.

O b r a z l o Ź e n j e

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem Odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10a. ovog Zakona ili za dodjelu ugovora o nabavci usluga iz Aneksa II. ugovorni organ dužan je donijeti Odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. tačka a) Zakona o javnim nabavkama, propisana su izuzeća od primjene odredbi ovog Zakona, a koja se odnose na konkretnu nabavku.

Kako je predmet ove nabavke zakup poslovnih prostorija, utvrđeno je da su ispunjeni uvjeti, iz člana 18. stav (2) a u vezi sa članom 10a. Zakona o javnim nabavkama kojim su propisana izuzeća od primjene odredbi ovog Zakona, te je utvrđeno da su ispunjene pretpostavke za donošenje predmetne Odluke.

Na osnovu navedenog odlučeno je kao u članu 1. ove Odluke.

Dostavljeno:

- Sektoru za materijalne poslove i podršku
- ① - IKT (radi objave) na Web stranici MUP USK
- a/a



502. Viteške brigade br.2, 77000 Bihać, BiH, Tel: +387/37/224-224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, info@mupusk.gov.ba